



Australian
BORDER FORCE

Važne informacije o obaveznom karantinu za putnike koji putuju u Australiju

Važne informacije o aranžmanima obaveznog karantina za putnike koji stižu u Australiju

13. august 2020.

Kao odgovor na pandemiju COVID-19, Australija je uvela ograničenja putovanja i obavezan karantin.

Svi putnici koji dolaze u Australiju podliježu obaveznom karantinu od 14 dana u mjestu ulaska u Australiju.

Putnicima će u tom periodu biti osiguran odgovarajući smještaj i neće im biti dozvoljeno da putuju u Australiju (uključujući ni do svog mjesta stanovanja) ili da nastave put na domaćim putnim linijama sve dok se ne završi 14-dnevni obavezni period karantina.

Aranžmanima oko provođenja karantina upravljaju vlade država i teritorija, uz podršku australijske vlade. U većini država i teritorija od vas će se tražiti da platite doprinos za troškove karantina. Dodatne informacije mogu se naći na web stranicama relevantnih država i teritorija.

Putnici u tranzitu

Međunarodni putnici koji dolaze u Australiju u tranzitu mogu otputovati nekim drugim međunarodnim letom koji kreće iz grada u koji su doputovali. Putnici u tranzitu moraju:

- ostati na aerodromu ako moraju pričekati sljedeći let koji je u narednih 8 sati
- ići u obavezni karantin u objektu po odluci države ako je čekanje na sljedeći let od 8 do 72 sata

Putnici u tranzitu ne mogu putovati unutar Australije, čak ni ako imaju međunarodni let u nekom drugom gradu.

Šta možete očekivati po dolasku u Australiju

- Kad stignete u Australiju, moraćete se držati svih uputstava posade aviona i državnih službenika.
- Pokupit ćete prtljag i proći kroz uobičajene procese pasoške i granične kontrole (carina, imigracija i biološka sigurnost).
- Nakon granične kontrole, vladini službenici će vas uputiti do autobusa koji će vas odvesti do smještaja.
- Možda ćete morati dosta dugo čekati dok ne dođete u svoj smještaj. Vladini službenici će nastojati da ova čekanja budu što ugodnija. Cijenimo vašu saradnju i strpljenje.

Aranžmani za 14-dnevni karantin

- Vladini službenici u karantinskom smještaju čekat će na vaš dolazak. Rado će odgovoriti na sva pitanja koja imate nakon dolaska i pružiće vam pomoć tokom karantina.
- Smještaj će imati sve pogodnosti i usluge koje su vam potrebne tokom boravka. Smještaj uključuje siguran i higijenski smještaj, hranu i vodu i medicinsku pomoć.
- Ako imate zdravstvenih potreba, na primjer potrebni su vam recepti za lijekove koje redovno uzimate, uradiće se šta je potrebno da se takvi zahtjevi ispune.
- U prvih 48 sati možete biti testirani na COVID-19, a onda ponovo između 10-og i 12-og dana karantina. Ako odbijete testiranje, možda ćete morati ostati duže u karantinu. Tačni aranžmani testiranja zavise od države i teritorija.
- Prema Zakonu o biološkoj sigurnosti od 2015. godine i važećem državnim zakonodavstvu, morat ćete ostati u dodijeljenom smještaju dok vam se medicinski ne odobri da možete slobodno izaći van.

Ove aranžmane određuju vlade država i teritorija, uz podršku australske vladine agencije.

Završetak 14-dnevnog perioda karantina

Kad se završi obavezni period karantina, možete putovati unutar Australije. Imajte na umu da države i teritorije mogu imati svoje zahtjeve za ulazak i za karantin. Morate provjeriti kakvi su zahtjevi za ulazak i karantin za svaku državu i teritorij prije putovanja.

Web stranica australijskog vladinog ministarstva zdravstva uključuje poveznice do informacija o državnim i teritorijalnim ograničenjima putovanja <https://www.health.gov.au/news/health-alerts/novel-coronavirus-2019-ncov-health-alert/coronavirus-covid-19-restrictions/coronavirus-covid-19-advice-for-international-travellers#quarantine-for-incoming-travellers>